



REÛLS VIR DIE STREEK EN NASIONALE JAGGEBASEERDE SKIETKOMPETISIES

1. Inleiding

Die skietkompetisies van die SA Jagters- en Wildbewaringsvereniging is gestruktureerde landswye kompetisies wat beheer word deur dieselfde reëls vir die kwalifiserende fase op streekvlak en die nasionale kompetisies. Die skietkompetisies op streekvlak moet afgehandel wees teen einde Junie om te kan dien as kwalifiserende tellings vir moontlike uitnodiging van individue na die nasionale kompetisies, waar van toepassing, wat in die tweede helfte van elke jaar sal plaasvind. Die volgende skietkompetisies vind plaas:

1.1 Op streek- en nasionale vlak:

1.1.1 Presidentskietkompetisie vir individue;

1.1.2 Intertak Spanskietkompetisie

1.2 Slegs op streeksvlak:

1.2.1 Intertak UITDAAG Spanskietkompetisie

2. Algemene reëlins en prosesse

Die reëlins vir die streek en nasionale skietkompetisies verloop soos volg:

- 2.1 Skuts kan aan meer as een skietkompetisie op streekvlak deelneem, ook in ander streke en alle tellings so behaal sal in aanmerking kom vir die onderskeie ranglyste. Indien meer as een telling ingedien word, bepaal die hoogste telling die skut of span se plek op die ranglys;
- 2.2 Om deelname aan te moedig op streekvlak is uitnodiging na en deelname aan streekskietkompetisies oop vir alle SAJWV lede wat wil deelneem;
- 2.3 Die enigste beperking vir deelname op streekvlak is die hoeveelheid deelnemers wat die skietbaan kan akkommodeer. Daar moet ook voorkeur gegee word aan die spesifieke streek se skuts bo skuts wat vanuit ander streke kom deelneem. 'n Streek kan besluit om inskrywings tot 'n streekskiet-kompetisie te beperk tot slegs SAJWV lede vanaf die takke in die spesifieke streek;
- 2.4 Net die eerste telling deur elke deelnemer/span aangeteken by 'n streekkompetisie is geldig en 'n opvolg (tweede probeerslag) op dieselfde dag is nie aanvaarbaar nie;
- 2.5 Vir 'n spanskietkompetisie moet al die skietoefeninge op die kompetisiedag deur al die skuts in 'n span geskiet word om te kwalifiseer;
- 2.6 Streekkompetisies as kwalifiserende rondte moet afgehandel wees teen 30 Junie van die jaar;
- 2.7 Takke in elke streek word aangemoedig om in samewerking met die streekkoördineerder die nodige reëlins betyds te tref om datums en skietbane te reël vir die kompetisie op streekvlak;
- 2.8 Kwalifiserende tellings vanaf streekskietkompetisies moet deur die gasheertak gefinaliseer en op die tablet van die gasheertak ingevoer word op die SAJWV Skietkompetisiemodule vir verwerking van resultate daarvoor verskaf. Hierdie data moet so spoedig moontlik gesinchroniseer word met die nasionale databasis van streekskietresultate, maar nie later as 12h00 van die Woensdag wat volg op die Saterdag waarop die kompetisie plaasgevind het. Tellings wat nie met die sagteware program verwerk en ingedien is nie, sal nie aanvaar word vir die ranglyste nie;

2.9 Vir die datum van nasionale skietkompetisies verwys na die kalender van SAJWV. Die skietbane waar dié nasionale kompetisies plaasvind en die gasheertakke daarvoor, word jaarliks bekend gemaak;

2.10 Op streekvlak word dit aanbeveel dat die Intertak Spanskiet- en Presidentskietkompetisie gelyktydig op dieselfde dag aangebied word. Die skuts skryf in as individue en spanne. Elke skut skiet die twee skietoefeninge elkeen eenmaal en die telling van elke skut word gebruik vir 'n Presidentskiet kwalifiserende telling en die vier skuts van 'n span se totaal word gebruik vir 'n kwalifiserende spantelling vir die Intertak Spanskiet. Elke skut moet dus op sy eie teiken skiet vir die twee skietoefeninge om ook die individuele tellings te kry.

3. **Algemene reëls**

3.1 Daar moet 'n 100m inskietbaan op die dag van die kompetisie voor aanvang van die kompetisie beskikbaar wees. 'n Minimum van 10 minute totale inskiettyd vir al die skut se vuurwapens word toegelaat;

3.2 Slegs tellings behaal tydens 'n streekkompetisie teen ten minste een ander tak, kan ingedien en geregistreer word;

3.3 Daar sal teen enige skut wat enige van die skietoefeninge se reëls verbreek, dissiplinêr opgetreë word.

4. **Presidentskietkompetisie**

4.1 Die jaarlikse nasionale Presidentskietkompetisie vir individue het ten doel om die SAJWV se skut van die jaar te bepaal.

4.2 Die reëls van die "SAJWV LIGA SKIETKOMPETISES – Skietoefening vir die President- en Intertak Spanskiet spanskietkompetisies" geld vir die kompetisies vanaf November 2021.

4.3 **Deelname op streekvlak** vind plaas in die volgende klasse en 'n skut word outomaties ingedeel in die Ope klas, B-klas of C-klas gebaseer op sy/haar hoogste puntetelling behaal in die Presidentskietkompetisie op streek of nasionale vlak van die vorige jaar (die klasse indeling is net van toepassing tydens streek Presidentskietkompetisies en nie van toepassing tydens die nasionale Presidentskietkompetisie nie). Skuts wat nie 'n vorige klas indeling het nie, val outomaties in die C-klas:

4.3.1 Ope klas – 75% of meer

4.3.2 B-klas – 50% of meer, maar minder as 75%

4.3.3 C-klas – minder as 50%

4.3.4 Dames

4.3.5 Seniors, 65 jaar en ouer

4.3.6 Juniors, 18 jaar en jonger

4.4 Uitnodiging en deelname in klasse by die nasionale Presidentskietkompetisie word gebaseer op die totale hoogste telling behaal op streekvlak vir die twee skietoefeninge. B-klas of C-klas indeling is nie van toepassing tydens die nasionale Presidentskietkompetisie nie:

4.4.1 Ope klas (Top 140) van huidige jaar – alle deelnemers – Ope-klas, B-klas, C-klas, dames, seniors en juniors ingesluit - kan kwalifiseer vir die Ope klas (Top 140);

4.4.2 Dames klas (Top 20) – die Top 20 dames;

4.4.3 Senior klas (Top 20) – die Top 20 skuts, 65 jaar en ouer. Om te kwalifiseer as 'n senior skut moet die skut in die jaar van deelname 65 jaar oud word, of ouer wees;

- 4.4.4 Junior klas (Top 20) - die Top 20 skuts, 18 jaar en jonger. Om te kwalifiseer as 'n Junior onder 18 jaar, moet die junior op 1 Januarie nog nie 18 jaar oud wees nie. So 'n persoon kan dan vir die res van die betrokke jaar deelneem aan die Junior onder 18 jaar klas. Die junior klas neem deel onder dieselfde reëls as die volwasse skuts en daar is geen toegewings t.o.v. bv. skietposisies ens nie en geen afrigting of bystand word toegelaat gedurende die kompetisie nie. Die wettige lisensiehouer van die vuurwapen wat die junior gebruik moet die junior tot by die skietpunt vergesel en teenwoordig wees terwyl die junior die vuurwapen gebruik.
- 4.4.5 200 Skuts word in totaal uitgenooi na die kompetisie;
- 4.4.6 Indien skuts uitgenooi onder die Top 140 in die Ope klas, Top 20 Dames, Top 20 Seniors en Top 20 Juniors nie die uitnodiging aanneem nie, word hierdie plekke nie gevul met addisionele uitnodigings nie;
- 4.5 Toekennings ens
- 4.5.1 **Op streekvlak** - die toekennings op streekvlak gee aan skuts erkenning vir skietprestasie wat aandui dat dit op streekvlak behaal is, soos volg:
- 4.5.2 Op die totaal van die twee skietoefeninge, algeheel derde plek (brons), algeheel tweede plek (silwer) en wenner (goud) – **medaljes** vir elkeen van die ses klasse in item 4.3.1 tot 4.3.6;
- 4.5.2.1 Alle skuts in die ses verskillende klasse (item 4.3.1 tot 4.3.6) kompeteer ook in die Ope klas vir medaljes ongeag die klas waarin hy of sy deelneem;
- 4.5.2.2 **Streek Platinum** toekenning vir kwalifiserende deelnemers:
- a) **Sakwapen en/of balkie** word gratis verskaf;
- b) **Sertifikaat** is beskikbaar aanlyn by “Member Admin” op persoonlike profiel;
- c) **Groen SAJWV baadjie** kan bestel word by Inyathipark vir kwalifiseerder se eie rekening.
- 4.5.3 **Op nasionale vlak** - Die toekennings op nasionale vlak gee aan skuts erkenning vir skietprestasie wat aandui dat dit op nasionale vlak behaal is, soos volg:
- 4.5.3.1 Op die totaal van die twee skietoefeninge, algeheel derde plek (brons), algeheel tweede plek (silwer) en wenner (goud) – **medaljes** vir elkeen van die 4 klasse in item 4.4.1, 4.4.3 tot 4.4.5;
- 4.5.3.2 Wisseltrofeë:
- 4.5.3.2.1 Ope klas - Wisseltrofeë vir die Victor Ludorum
- 4.5.3.2.2 Dames klas - Wisseltrofeë vir die Victrix Ludorum
- 4.5.3.2.3 Senior klas - Wisseltrofeë vir die senior Victor Ludorum
- 4.5.3.2.4 Juniors onder 18 jaar klas - Wisseltrofeë vir die junior Victor/Victrix Ludorum
- 4.5.3.3 **Nasionale Platinum** toekenning vir kwalifiserende deelnemers:
- a) **Sakwapen en/of balkie** word gratis verskaf;
- b) **Sertifikaat** is beskikbaar aanlyn by “Member Admin” op persoonlike profiel;
- c) **Groen SAJWV baadjie** kan bestel word by Inyathipark vir kwalifiseerder se eie rekening.
- 4.5.3.4 **Pryse** by die nasionale Presidentskiet word soos volg hanteer: 'n deelnemer kan 'n prys in net een klas wen. 'n Skut skryf in vir 'n sekere klas en hy/sy neem streng deel in daardie klas. Indien van die skuts in die eerste drie plekke in 'n klas ook in die Ope klas in 'n plek eindig waar hy/sy 'n prys kan wen, kry hy/sy net die prys in die Ope klas en gaan die prys in die aparte klas na die volgende deelnemer.

- 4.5.3.5 In teenstelling met die pryse gaan die **trofee** in elke klas altyd aan die wenner van 'n klas en 'n persoon kan dus potensieel die trofee vir die Ope klas en die aparte klas (junior, senior of damesklas) ontvang, indien hy/sy albei wen.

5. Intertak Spanskietkompetisie

- 5.1 Die nasionale Intertak Spanskietkompetisie het ten doel om die SAJWV se kampioenspan van die jaar te bepaal. Die Top 50 spanne vir deelname aan die nasionale Intertak Spanskietkompetisie sal geselekteer word uit die resulate van die al die streek Intertak Spanskietkompetisies. Die uitnodigings word beperk tot 'n maksimum van drie spanne per tak. Slegs spanne wat 'n tak verteenwoordig (al vier die skuts in die span moet lede wees by die spesifieke tak) en met die takbestuur se toestemming deelneem, word toegelaat om aan streek en nasionale Intertak Spanskietkompetisies deel te neem. Spanne wat nie aan die vereistes voldoen nie, se tellings sal nie in ag geneem word vir die ranglyste met skietresultate van die SAJWV nie en hulle kan nie aan die nasionale skietkompetisie deelneem nie. 'n Span wat bogenoemde reëls oortreë sal gediskwalifiseer word wanneer die ongerymdheid aan die lig kom. Spanne wat nie die uitnodiging aanneem nie se plekke word nie gevul met addisionele uitnodigings nie;

Nota: Die Ope-klas, B-klas of C-klas indeling vir individuele skuts is nie van toepassing tydens die streek en nasionale Intertak Spanskietkompetisies nie.

5.2 Reëls

- 5.2.1 Die reëls van die "SAJWV LIGA SKIETKOMPETISES – Skietoefening vir President- en Intertak Spanskiet spanskietkompetisies" geld vir die kompetisies vanaf November 2021.

- 5.2.2 'n Span bestaan uit vier skuts. Die vier posisies moet gevul word deur dieselfde skuts vir die Vlake- en Bosveld skietoefeninge.

- 5.2.3 Al die skietoefeninge moet op die kompetisiedag deur al die skuts in 'n span geskiet word om te kwalifiseer as 'n geldige telling vir die nasionale ranglys van die Intertak Spanskietkompetisie.

- 5.2.4 Dit is 'n vereiste vir die nasionale Intertak Spanskietkompetisie dat die Vlake- en die Bosveld skietoefening deur al vier skuts van 'n span op dieselfde teiken geskiet word tydens die kompetisie. Daar moet egter 'n nuwe teiken vir elke span gebruik word op elke afstand om die aantal skote per teiken te beperk ('n maksimum van 12 skote per teiken) en so probleme met die neem van tellings uit te skakel.

- 5.2.5 Die lede van enige span van 'n tak hoef nie dieselfde persone te wees vir die streek en die nasionale Intertak Spanskietkompetisie nie.

5.3 Toekennings ens

- 5.3.1 Die toekennings op streekvlak gee aan skuts erkenning vir skietprestasie, wat aandui dat dit op streekvlak behaal is, soos volg:

- 5.3.1.1 Die Kampioensspan word bepaal deur die totale van elke spanlid bestaande uit die Vlake- en die Bosveld skietoefeninge saam te tel vir die groototaal van die span;

- 5.3.1.2 Medaljes vir elke spanlid van die derde (brons), tweede (silwer) en Kampioensspan (goud).

- 5.3.1.3 **Streek Wildehonde** toekenning vir elke spanlid van kwalifiserende spanne:

a) **Sakwapen en/of balkie** word gratis verskaf;

b) **Sertifikaat** is beskikbaar aanlyn by "Member Admin" op persoonlike profiel;

c) **Groen baadjie** kan bestel word by Inyathipark vir kwalifiseerder se eie rekening.

- 5.3.2 Die toekennings op nasionale vlak gee aan skuts erkenning vir skietprestasie, wat aandui dat dit op nasionale vlak behaal is, soos volg:

- 5.3.2.1 Die Kampioenspan word bepaal deur die totale van elke spanlid bestaande uit die Vlakten die Bosveld skietoefeninge saam te tel vir die groototaal van die span;
- 5.3.2.2 Medaljes vir elke spanlid van die derde (brons), tweede (silwer) en Kampioenspan (goud);
- 5.3.2.3 'n Wisseltrofeë vir die Kampioenspan.
- 5.3.2.4 **Nasionale Wildehonde** toekenning vir elke spanlid van kwalifiserende spanne:
 - a) **Sakwapen en/of balkie** word gratis verskaf;
 - b) **Sertifikaat** is beskikbaar aanlyn by "Member Admin" op persoonlike profiel;
 - c) **Groen baadjie** kan bestel word by Inyathipark vir kwalifiseerder se eie rekening.

6. Intertak UITDAAG spanskietkompetisies

- 6.1 Die doel met die reeks van Intertak UITDAAG spanskietkompetisies op streekvak is die skep van skietkompetisies oor korter afstande vir skuts wat nie beskik oor toerusting (geweer/teleskoop/ammunisie) om op die vlakteskietoefening te kompeteer nie en aanmoediging van steeds groter deelname op streekvak en skietontwikkeling. Die idee is om die skuts wat nog nie op streek of nasionale vlak deelneem nie, aan te moedig om vriendskaplik teen buurtakke te kompeteer in spanverband.
- 6.2 Reëls
 - 6.2.1 In enige gegewe jaar mag die Top 200 skuts gebaseer op die vorige jaar se streek Presidentskietresultate aan die Intertak UITDAAG spanskietkompetisie deelneem. Die enigste beperking is dat slegs een Top 200 skut per span van vier mag deelneem aan die Intertak UITDAAG spanskietkompetisie. Hierdie beperking geld nie vir die Presidentskietkompetisie nie en enige skut kan daaraan deelneem;
 - 6.2.2 Die reëls van die "SAJWV LIGA SKIETKOMPETISES – Skietoefening vir die UITDAAG SPANSKIETKOMPETISIES" geld vir die kompetisies vanaf 1 Januarie 2016.
Die Vlakvark met kalibertoegewing en Rooibok met 'n rus skietoefeninge word gebruik en die afsonderlike reël vir dié twee skietoefeninge is van toepassing en elke skietoefening tel uit 'n totaal van 45 punte;
 - 6.2.3 Die enigste beperking op toerusting – teleskoop vergroting word beperk tot 12 x vergroting;
 - 6.2.4 'n Span bestaan uit vier skuts wat almal aan die aangepaste Vlakvark en Rooibok met 'n rus skietoefeninge op dieselfde dag moet deelneem;
 - 6.2.5 Slegs spanne wat 'n tak verteenwoordig (al vier die skuts in die span moet lede wees by die spesifieke tak) en met die takbestuur se toestemming deelneem, word toegelaat om aan die Intertak UITDAAG Spanskietkompetisies deel te neem. Spanne wat nie aan die vereistes voldoen nie, se tellings sal nie in ag geneem word vir die ranglyste met skietresultate van die SAJWV nie en hulle kan nie aan die Intertak UITDAAG Spanskietkompetisie deelneem nie. 'n Span wat bogenoemde reëls oortreë sal gediskwalifiseer word wanneer die ongerymdheid aan die lig kom.
 - 6.2.6 Dit is 'n vereiste vir die Intertak UITDAAG spanskietkompetisies dat die Vlakvark en Rooibok met rus skietoefeninge deur al vier skuts van 'n span op dieselfde teiken geskiet word tydens die kompetisie. Daar moet egter 'n nuwe teiken vir elke span gebruik word op elke afstand om die aantal skote per teiken te beperk ('n maksimum van 12 skote per teiken) en so probleme met die neem van tellings uit te skakel.
 - 6.2.7 'n Ranglys bestaande uit al die streke se resultate word saamgestel vir kennisname en rekorddoeleindes en beskikbaar gemaak.

- 6.2.8 Die Intertak UITDAAG spanskietkompetisies vind slegs plaas op streekvlak en daar is nie 'n nasionale skietkompetisie nie.
- 7.3 Toekennings ens
- 7.3.1 Die toekennings op streekvlak gee aan skuts erkenning vir skietprestasie, wat aandui dat dit op streekvlak behaal is, soos volg:
- 7.3.2 Die Kampioenspan word bepaal deur die totale van elke spanlid bestaande uit die Vlakvark- en die Rooibok met 'n rus skietoefeninge saam te tel vir die groototaal van die span;
- 7.3.3 Medaljes vir elke spanlid van die derde (brons), tweede (silwer) en Kampioenspan (goud).

FINIS